

玉機微義卷之四十二

吳陵劉純宗厚輯

後學

伍承先開成

葉樹德茂滋

校

破傷風門

論破傷風表裏中治法

病機云破傷風者同傷寒證治通於表裏分別陰陽  
有在表有在裏有在半表半裏者在裏宜下在表宜  
汗在表裏之間宜和解不可過其治也故表脉浮而  
無力者太陽也脉長而有力者陽明也脉浮而弦小

者少陽也若明此三法而施治不中病者鮮矣

原病式云夫破傷中風之由者因瘡熱甚鬱結而榮衛不得宣通怫熱因之徧體故多白痂是時瘡口閉塞氣難通泄熱甚則生風也不已則表傳於裏亦猶觸冒傷寒怫熱鬱甚不解則表傳於裏者也但有風熱微甚兼化故殊異矣大法破傷中風風熱燥甚怫鬱在表而裏氣尚平者善伸數欠筋脉拘急或時惡寒或筋惕而搐脉浮數而弦也宜以辛熱治風之藥開衝結滯而愈猶傷寒表熱怫鬱而以麻黃湯辛熱

發散者也凡用辛熱開衝風熱結滯宜以寒藥佐之  
則良免致藥不中病而風熱轉甚也如治傷寒發熱  
用麻黃桂枝加黃芩石膏知母之類是也若世以甘  
草滑石葱豉寒藥發散甚妙若表不已而漸入於裏  
裏又未太甚而脉在肌肉者宜以退風熱開結滯之  
寒藥調之或微加治風辛熱亦得猶傷寒在半表半  
裏而以小茈胡和解之也若裏勢已甚而舌強口禁  
項背反張驚搐惕搦涎唾稠粘胸腹滿塞而或便溺  
閉結或時汗出脉洪數而弦也然汗出者由風熱鬱

甚於裏而表熱稍罷則腠理疎泄而心火熱甚故汗  
出也法宜除風散結寒藥下之後以退風熱開結滯  
之寒藥調之而熱退結散則風自愈矣凡治此亦宜  
按摩導引及以麤斡開牙關勿令口禁使粥藥得下  
也

按此論表裏中脉病證治  
至爲詳盡前人所未論也

### 論破傷風所因不同

病機云破傷風者有因卒暴傷損風襲之間傳播經  
絡至使寒熱更作身體反張口禁不開甚者邪氣入



臟有因諸瘡不瘥榮衛虛肌肉不生瘡眼不合者風邪亦能外入於瘡爲破傷風之候有諸瘡不瘥舉世皆言著灸爲上是謂熱瘡而不知火熱客毒逐經諸變不可勝數微則發熱甚則生風而搐或角弓反張口禁目斜亦有破傷不灸而病此者因瘡著白痂瘡口閉塞氣難通泄故陽熱易爲鬱結熱甚則生風也

按此論所因有四二者因瘡口入風似屬外因一者因灸逐熱似屬不內外因一者因瘡口閉塞內熱生風似屬內因也

謹按破傷風證古方藥論甚少豈非以此疾與中風同論故不另立條目也唯河間論與傷寒表裏

中三法同治用藥甚詳其言病因有因外傷於風有因灸及內熱所作者然與中風相似也但中風之人尚可淹延歲月而破傷風者犯之多致不救蓋中風有在經在腑在臟之異獨入臟者最難治破傷風或始而出血過多或瘡早閉合瘀血停滯俱是血受病血屬陰五臟之所主故此風所傷始雖在表隨卽必傳入臟故多死也又此病或瘡口坦露不避風寒而無所傷或瘡口閉合密避風邪而反病此或病已十分安全而忽有此大抵皆由內氣虛而有鬱熱者得之若內氣壯實而無鬱熱者雖傷而無所害也

## 破傷風治法

### 治表之劑

病機羗活防風湯治邪初在表

羌活

防風

甘草

川芎

藁本

當歸

白芍藥

各四兩

地榆

細辛

各二兩

右咬咀每五錢水煎熱服無時熱則加大黃黃芩  
各二兩

防風湯治破傷風同傷寒表證未傳入裏急宜服之

防風

羌活

獨活

川芎

各等分

右咬咀每五錢水煎服宜調蜈蚣散大効

按已上二方並  
三陽經藥也

### 蜈蚣散

蜈蚣 一對

鰮 三錢

右為細末用防風湯調下如表解不已覺轉入裏

當服左龍丸

即後江鰮丸  
四味是也

### 蜈蚣散

蜈蚣 一對

鰮 五錢

左盤龍

五錢炒烟盡  
野鴿糞是也

右為細末每服一錢清酒調下治裏和至愈可服



但有裏證不可服次當下之用蜈蚣散四錢巴豆  
霜五分燒飯爲丸如菉豆大每服一丸加至六七  
丸清酒調蜈蚣散少許送下宜利爲度

發表雄黃散裏和至愈可服

雄黃 一錢

防風 二錢

草烏 一錢

右爲細末每服一字温酒調下

天麻雄黃散治表

天南星 三錢

半夏

天麻 各五錢

雄黃 二錢五分

破傷風

五

右爲細末每服一錢溫酒調下如有涎加<sub>三</sub>大黃爲下藥

三因防風散治風入瘡口項強牙關緊急欲死又名

玉真散

防風

天南星

炮各等分

右爲末每服三錢童子小便一大盞煎七分熱服香膠散治破傷風口禁直強

魚膠

七錢燒存性

右研細入麝香少許每服二錢酒調下不飲米湯

下一方以蘇木煎湯下

元戎方治破傷風欲死者

川烏

南星

半夏 並生

天麻

去蘆各等分

右爲細末每服一錢豆淋酒調下稍溫服次以酒一二盞投之

治破傷風方

蝎稍七條爲細末熱酒調下

按此以上八方並厥陰例藥也

治半表裏之劑

病機羌活湯治半在表半在裏

羌活

菊花

麻黃

川芎

石膏

防風

前胡

黃芩

細辛

甘草

枳殼

白茯苓

蔓荊子

各一兩

薄荷

白芷

各五錢

右咬咀每服五錢水煎入生薑五片熱服日二三

按此三陽  
經藥也



地榆防風散治破傷風半在表半在裏頭微汗身無汗不可發汗宜表裏治之

地榆

防風

地丁草

馬齒莧

各等分

右爲細末每服三錢溫米湯調服

治裏之劑

病機大芎黃湯治破傷風臟腑秘小便赤自汗不止者

川芎 五錢

羌活

黃芩

大黃 各一兩

右咬咀五七錢水煎溫服以利為度

按此三陽經藥也此自汗非表證乃裏實也如陽明病汗多急下之

江鰮丸治破傷風驚而發搐臟腑秘澀知病在裏可

用此下之

江鰮

剉炒五錢

雄黃

一錢

野鴿糞

五錢炒

白僵蚕

五錢

蜈蚣

一對炙

天麻

一兩

只用前四味名左龍丸

右為細末分作三分將二分燒飯為丸桐子大硃

砂爲衣將一分入巴豆霜一錢同和亦以燒飯爲丸如桐子大不用硃砂爲衣每服硃砂爲衣者二十九丸入巴豆者一丸第二服二丸加至利爲度再服硃砂爲衣藥病愈卽止

按此厥陰例藥也

### 治汗之劑

病機白朮防風湯治服發表藥過有自汗者

白朮

黃芪

各一兩

防風

二兩

右咬咀每服五七錢水煎溫服無時臟腑和而自

汗者可服此藥若臟腑秘小便赤自汗者無寒也

宜速下之用大芎黃湯

按此手少陽足陽明  
太陰太陽經藥也

白朮湯治破傷風大汗不止筋攣搐搦

白朮

葛根 各一兩

升麻

黃芩 各五錢

芍藥 二兩

甘草 三錢五分

右咬咀每服五錢水煎溫服無時

按此陽明太  
陰經藥也

理血之劑



養血當歸地黃散治病日久氣血漸虛邪氣入內宜

養血為度

當歸

地黃

芍藥

川芎

藁本

防風

白芷 各一兩

細辛 五錢

右咬咀水煎服

按此厥陰四物例藥也

雜方

如聖散 方見中風門

三本復身名四二  
方本藥內加兩頭尖 二兩

正成徵卷之四十二終

玉機微義卷之四十三

吳陵劉純宗厚輯

後學

伍承先開成  
葉樹德茂滋校

損傷門

叙墮墜為病

內經云人有所墮墜惡血留內腹中脹滿不得前後  
先飲利藥此上傷厥陰之脉下傷少陰之絡刺足內  
踝下然骨之前出血刺足肘上動脉不已刺三毛各  
一痛見血立已左刺右刺左靈樞云有所墮墜惡

血留于內若有所大怒氣上而不下積于脇下則傷  
肝又中風及有所擊打若醉入房汗出當風則傷脾  
又頭痛不可取于脗者有所擊墮惡血惡血在于內  
若內傷痛不已可側刺不可遠取之也

按發明經云夫從高墜下惡血留于內不分十二  
經絡聖人俱作風中肝經留于脇下以中風瘰之  
血者皆肝之所主惡血必歸于肝不問何經之傷  
必留于脇下蓋肝主血故也痛甚則必有自汗但  
人汗出皆爲風證諸痛皆属于脉水况敗血凝滯



從其所屬入于肝也從高墮下逆其所行之血氣  
非肝而何以破血行經藥治之

### 傷損脈法

內經云肝脈搏堅而長色不青當病墮若搏因血在  
脇下令人嘔逆

金匱云寸口脈浮微而澁然當亡血若汗出設不汗  
出者當身有瘡被刀斧所傷亡血故也

脈經云金瘡出血太多其脈虛細者生數實大者死  
金瘡出血脈沉小者生浮大者死

砍瘡出血一二石脉來大者二十日死

砍刺出血不止者其脉止脉來大者七日死滑細者生

從高顛仆內有血腹脹滿其脉堅強者生小弱者死

按破傷有瘀血在內脉堅強實則生虛小弱者死若亡血過多脉虛細小者生浮大數實者死皆屬脉病不相應故也

論傷損宜下

子和云諸落馬墜井打撲傷損閃肭損折杖瘡腫發  
焮痛不止者可峻下二三十行痛止腫消宜以通經  
散導水丸等藥成加湯劑瀉之後服和血消腫散毒  
之藥

按子和于墮車落馬杖瘡閃肭者俱用峻下其有  
心恙牙關緊急者云是驚涎堵塞于上俱用三聖  
散先吐後下其法雖峻然果有驚涎瘀血停留于  
內焮痛腫脹發于外者亦奏捷功但于出血過多  
老弱之人脉虛大者亦當求責

謹按打撲金刃損傷是不因氣動而病生于外外  
受有形之物所傷乃血肉筋骨受病非如六淫七  
情爲病有在氣在血之分也所以損傷一證專從  
血論但須分其有瘀血停積而亡血過多之證蓋  
打撲墜墮皮不破而內損者必有瘀血若金刀傷  
皮出血或致亡血過多二者不可同法而治有瘀  
血者宜攻利之若亡血者兼補而行之又察其所  
傷有上下輕重淺深之異經絡氣血多少之殊唯  
宜先逐瘀血通經絡和血止痛然後調氣養血補



益胃氣無不效也項見圍城中軍士被傷不問頭  
面手足胸背輕重醫者例以大黃等藥利之後大  
黃缺少甚者遂以巴豆代之以爲不于初時瀉去  
毒氣後則多致危殆至于畧傷手指亦悉以藥利  
之殊不知大黃之藥惟與有瘀血者相宜其有亡  
血過多元氣胃氣虛弱之人不可服也其巴豆大  
熱有毒止能破堅逐積用于此疾尤非切當所以  
有服下藥過後其脉愈見堅大醫者不察又以爲  
瘀血未盡而復下之因而夭折人命可不慎歟



損傷門

攻下瘀血之劑

金匱治馬墜及一切筋骨損傷

大黃一兩切浸成湯下 緋帛如手大燒反

亂髮如雞子大燒反

炊單布一尺燒反 敗蒲一把三寸

棗仁四十九箇去皮尖熬

甘草如中指節炙對

右七味以童子小便量多少煎湯成內酒一大盞

次下大黃去滓分溫三服先剉敗蒲席半領煎湯

浴衣被處斯須通利數行痛楚立差

損傷門

發明復元活血湯治從高墜下惡血留于脇下疼痛  
不可忍

柴胡五錢

當歸六錢

甘草二錢 川山甲炮二錢

大黃酒浸一兩

桃仁去皮尖五十個 紅花

瓜蒌根各三錢

右件桃仁研爛餘藥剉如麻豆大每服一兩水二

盞半酒半盞煎至七分去滓食前大溫服以利為

度得利後痛或不盡服乳香神應散靈樞云墜墜

惡血留于脇下則傷肝肝膽之經行于脇下屬厥

陰少陽宜以柴胡為引用為君以當歸活血脈又



急者痛也以甘草緩其急亦能生新血陽生陰長  
故也為臣川山甲瓜蒌根棗仁紅花破血潤血為  
之佐大黃酒製以蕩滌敗血為之使

當歸導氣散治損傷瘀血大便不通紅腫暗青疼痛  
昏悶畜血內壅欲死

大黃兩一 當歸錢三 麝香許少

右三味除麝香另研外為極細末入麝香合勻每  
服三錢熱酒一盞調下食前內瘀血去或骨節傷  
折疼痛接骨紫金丹治之

三因雞鳴散治從高墜下及木石所壓凡是損傷瘀血凝滯疼痛欲兼以此藥推陳致新神効

大黃酒一兩杏仁三七粒  
去皮尖

右研細酒一碗煎至六分去滓雞鳴時服至晚取  
下瘀血即愈若便覺氣絕取藥不及急擘開口以  
熱小便灌之

按已上四方雖皆蕩逐惡血之藥前三方所以治  
血在肝經血分者也後一方所以治血在肺經氣  
分者也當以脉之浮沉表裏別之又海藏云若登

高墜下撞打及傷心腹胸中積血不散以上中下  
三焦部分分之以易老犀角地黃湯菴仁承氣抵  
當湯丸之類下之亦有以小便同煎治之者更有  
內加生地黃當歸煎服者亦有加大黃者惟智者  
能擇之

破血止痛行經之劑

秘藏破血散治乘馬損傷跌其脊骨惡血流于脇下  
其痛苦楚不能側

羌活

防風

桂各一

柴胡

連翹

當歸稍

水蛭

炒烟盡研  
各二錢

麝香

少許  
另研

一方有蘓木

半一錢

右件分作二服每服二大盞酒水一盞除水蛭麝

香外另研如泥煎餘藥一大盞去滓上火合稍熟

調二味飢服之

按此太陽陽明少陽經藥也

地龍散治腰脊痛或打撲損傷從高墜下惡血留在

大陽經中令人腰脊或脛膈臂腰中痛不可忍

中桂

地龍各四分黃柏

甘草各一錢



羌活錢二 蘓水分六 麻黃分五 朮仁箇六

當歸稍五分

右咬咀每服五錢水二盞煎一盞去滓溫服

按此足太陽經藥也

發明乳香神應散治從高墜下疼痛不可忍及腹中

疼痛

乳香 沒藥 雄黑豆 桑白皮

獨科粟子各一兩 破故紙炒二兩

右為末每服五錢醋一盞砂石器內煎至六分入

麝香少許温服寶鑑有當歸一兩水蛭兩炒半

聖靈丹治一切打撲折傷疼痛不可忍者

乳香 烏梅去核 白米一捻秘藏作粟

萵菜子一盞炒黃 二兩八錢

右為細末煉密丸彈子大每服一九細嚼送下之

伏時痛不止再服

按此二方少陰經藥也

三因加味芎藭湯治打傷敗血入胃嘔吐黑血

川芎 當歸 白芍 百合浸半日

荆芥穗各等分

右剉每服四錢水酒各半煎

元戎加味四物湯治虛人損傷不禁下之者

四物湯加川山甲煎服

按已上二方厥陰例藥通前六方皆溫平之劑

局方花葉石散治金刃傷及打撲損傷猫狗咬傷或  
至死者急于傷處擦藥其血化爲黃水如內損血  
入臟腑煎童子小便入酒少許調一錢服之立効  
婦人產後惡血奔心胎衣不下以小便調一錢取

下惡物効

硫黃

四兩明淨者

花葉石一

右二味耜末拌令勻用紙筋和膠泥固濟瓦罐子  
一箇入藥在內密泥封口了焙乾安在四方磚上  
上畫八卦五行字用炭一秤圍燒自己午時從下  
生火直至經宿火盡又經宿已冷取研極細磁盒  
內盛

按此厥陰硫黃例藥也海藏云有用此藥以童便  
煎服或酒調服之者與寒藥正分陰陽不可不辨



也

補損當歸散治墜馬落車傷腕折臂疼痛服此藥疼  
痛即止筋骨即當相連

澤蘭炒

附子炮

各錢一當歸炒

蜀椒炒

甘草炙

桂心各五

芎藭炒六分

右為細末每服二錢溫酒調服日三忌生葱豬肉  
冷水生菜

按此少陰厥陰經藥也已上二方皆溫熱之劑

接骨之劑

發明紫金丹定痛接骨

川烏 炮

草烏 炮各一兩

靈脂 去工五分

木鱉子 去殼

黑牽牛 生

骨碎補

威靈仙

金毛狗脊

防風

自然銅 淬

地龍 去工

烏藥

青皮

陳皮

茴香 各五分

禹餘糧 兩四

沒藥

紅藥子

麝香 各二錢半

右細末醋糊為丸如梧子大每服十丸至二十九  
溫酒送下病上食後病下食前

元戎接骨丹

沒藥

乳香

當歸

川椒

自然銅

醋淬

赤芍

骨碎補

炙

敗龜

炙

虎骨

白芷

各等分

千金藤

郁李仁是也亦等分

又方加龍骨川芎

右細末化蠟半兩丸如彈子大每服一丸好酒半

升化開煎用東南柳枝攪散熱服

經驗方治打擗折骨損斷服此藥自頂心尋病至下

遇受病處則颯颯有聲覺藥力習習往來則愈

自然銅

煨醋淬七次一兩

川烏

去皮尖

松節明

傷門

乳香

血竭錢三

龍骨半兩

地龍半兩  
炒去

水蛭

炒半兩  
沒藥

蘇木

降真香

土狗

浸十箇油  
焙乾

石為末每服五錢無灰酒調下病在上食後在下

食前

按已工三方並出少陰折傷倒藥也其用毒藥以

行諸經亦是瘀血已去者方可用丹溪云世以自

然銅為接骨藥然此等方儘多大概在補氣補血

補土俗工惟在速効以罔利迎合病人之意而銅



非煨不可服若新出火者其火毒金毒相扇挾香  
挾藥毒雖有接傷之功而燥散之禍甚于刀劍戒  
之

雜方

機要刀箭藥上血定痛沒藥散

定粉

風化灰各一兩

乳香

五分另研拈砮三錢另研

沒藥

一字另研

右件各研為細末同和勻再研摻用之

本事地黃散治金瘡止血除疼辟風續筋骨生肌

肉

地黄苗

地松

青蒿

蒼耳苗

生艾汁

合三

赤芍

水各

五兩入

石灰

三分

右五月五七月七午時修合以前藥汁拌石灰陰

乾入黃丹三兩更杵羅細丸金瘡出血用藥封包

不可動十日差無膿腫

經驗方治打撲損筋傷骨折呂顯謨傳

黃栢

兩

半夏

兩

右為細末每用半兩生姜自然汁調如稀糊付用

紙花貼如乾耳付骨折先用絹帛封縛次用沙木  
扎定良久痛止即痒覺熱乃是血活筋骨復舊輕  
者三五日重者不過旬日

又方治打撲損腫痛不止

生姜自然汁米醋牛皮膠同熬溶入馬屁勃  
末不以多少調如膏以紙攤傳腫處

治刀傷斧斫

五倍子一味爲末乾貼神効

桑葉陰乾爲末乾貼如無旋斲乾末之妙





玉機微義卷之四十四

吳陵劉純宗厚輯

後學

伍承先開成

葉樹德茂滋

校

斑疹門

論斑疹證治

潔古云斑疹之病其爲證各異瘡發焮腫於外者屬少陽三焦相火也謂之斑小紅點行皮膚之中不出者屬少陰君火也謂之疹凡顯斑證若自吐瀉者慎勿亂治而多吉謂邪氣上下皆出也斑疹並出小兒

難禁是以別生他證也首尾不可下大抵安裏之藥  
多發表之藥少秘則微疎之令邪氣不壅併而能作  
番次使兒易禁也身溫煖者順身涼者逆

按此是陽證發斑例宜  
與小兒門斑論兼看

論傷寒發斑有陰陽不同

畧例曰陽證發斑有四有傷寒發斑有時氣發斑有  
熱病發斑有溫毒發斑斑斑如錦紋或發之面部或  
發之胸背或發之四末色紅赤者胃熱也紫黑者胃  
爛也一則下之早一則下之晚乃外感熱病而發也

當服玄參升麻白虎等藥

謹按四氣發斑溫毒爲至重暑證亦發斑固有輕重之殊見面部者傳手經也難知云戊助少陰心火入於手太陰肺也背多者足太陽胸屬足陽明四末屬脾與心也

陰證發斑亦出背胸手足但稀少而微紅若作熱證投以涼劑大悞矣此無根失守之火聚於胸中上獨熏肺傳於皮膚而爲斑點但如蚊蚋蚤虱咬痕而非大紅點也調中溫胃加以茴香芍藥或大建中之類其火自下斑自退此謂治本而不治標也

謹按斑證固有陰陽輕重之現證矣陽證大率用托裏清熱化斑涼血陰證止用調中溫胃其斑自

消病體自定非若瘡成膿疱也雖輕重俱從火化學者宜各求其本而治之

### 論中寒發斑

畧例云完顏小將軍病寒熱間作腕後有斑三五點鼻中微血出兩手脉沉瀆胸膈四肢按之殊無大熱此內傷寒也問之因暑臥殿角傷風又渴飲冰酪水此外感者輕內傷者重外從內病俱爲陰也故先斑衄後顯內陰寒熱間作脾亦有之非往來少陽之寒熱也與調中湯數服而愈

### 論傷寒治悞發斑



陳無擇云傷寒發斑者蓋不當下而下之熱則乘虛入胃當下而失下則胃熱不得泄二者皆能發斑其狀如錦繡赤者易治黑者難治蓋熱毒入胃深也

按此謂斑主於胃因下早下晚之失而生至如陽證悞用熱劑而發斑或溫毒便發斑者皆宜從脈以求其本也仲景云寸脈浮滑者可用瓜蒂散吐之是熱毒蘊於胸膈也又非在胃及虛火之比大抵黑者熱極亢則害承乃制也

### 論癰疹

陳無擇云世醫論癰疹無不謂是皮膚間風然既分冷熱冷熱卽寒暑之證又有因浴出湊風冷而得之

者豈非溫也則知四氣備矣經分諸瘡實熱則痛虛  
寒則痒又陽明主肌肉屬胃與大腸亦有冷熱分痛  
痒不可不審世人呼白者爲婆膜赤者爲血風名義  
混淆當以理曉察內外隨證治之

謹按癩疹多屬脾隱然在皮膚之間故言癩疹  
也發則多痒或不仁者是兼風兼濕之殊色紅者  
兼火  
化也

### 斑疹治法

#### 升散之劑

元戎葛根橘皮湯治斑在肌膚冬溫始發肌中斑爛

欬而心悶但嘔清汁

葛根

橘皮

杏仁

知母

黃芩

麻黃

甘草

右等分水煎服

按此足陽明  
太陽藥也

陽毒升麻湯治傷寒一二日或吐下後變成陽毒腰

背痛煩悶不安面赤斑斑如錦紋狂言見鬼下利

脉浮大咽痛

升麻 五錢

犀角

射干

黃芩

人參

甘草 各二錢五分

右咬咀水煎取飲半盞刻許再進溫覆手足得汗

出解

玄參升麻湯治傷寒汗吐下後毒氣不散表虛裏實

熱發於外故身斑如錦紋甚則煩躁譫語

玄參

升麻

甘草 各等分

右咬咀水煎服

按已上足陽明藥也



陽毒梔子湯治傷寒壯熱百節疼痛而發斑

升麻

梔子仁

各五錢

黃芩

白芍藥

石膏

知母

各三錢

杏仁

二十粒  
去皮尖

柴胡

二錢

甘草

一錢

右粗末每五錢入薑五片豉百粒煎服

按此足陽明少陽藥也

消毒犀角飲子治斑及癰疹

牛蒡子

荆芥

防風

各三錢

犀角屑

五錢

甘草

一錢

右咬咀水煎

按此手太陰藥也

解毒防風湯治斑及癩疹痒痛

防風 一兩

地骨皮

黃芪

白芍藥

荆芥

枳殼

牛蒡子 各五錢

右為粗末每四五錢水煎服

按此手足太陰藥也已上諸方本於陽證者宜選用之

升麻葛根湯 方見小兒門

陰毒升麻驚甲湯治陰斑

升麻 三兩

當歸

甘草

蜀椒 各二兩

驚甲 炙

雄黃 五錢研

右為末每服五錢水煎服

按此足太陰少陰厥陰藥也

三因加味羌活散治感四時所傳肌膚發為癰疹憎

寒壯熱

羌活

前胡 各一兩

人參

桔梗

甘草

枳殼

三錢散  
治陰斑  
癰疹

川芎

升麻

茯苓 各五錢

蟬蛻

薄荷 各三錢

右咬咀搗為末每服二大錢薑三片煎服

按此足太陽手太陰少陰藥也

調中湯治內傷外感而發陰斑

蒼朮

一錢五分

陳皮

砂仁

藿香

白芍藥

甘草 炙

桔梗

半夏

白芷

羌活

枳殼 各一錢

川芎 七分



麻黃

桂枝 各五分

右咬咀薑三片水煎服

按此足太陽太陰手陽明太陰藥也  
已上諸方本於陰證者宜選用之

和解之劑

化斑湯治傷寒汗吐下後斑發脉虛

白虎湯加人參守真類粹再加白朮

右咬咀時時煎服之

下劑

當歸丸治發斑內實大便不通者

當歸 五錢

甘草 一錢

黃連

大黃 各二錢  
五分

右先將當歸熬膏子入藥末三味為丸漸加至利

為度

涼血之劑

黑膏治溫毒發斑

生地黃 半斤

好豉 一升

右二味以猪脂二斤合煎至濃汁用雄黃麝香如大豆大內入攪和每服用彈子大湯化服未效再

服之

大青四物湯

大青 四兩

阿膠

甘草 各一兩

豉 八合

右咬咀每服五錢水煎服之

玉機微義卷之四十四終

三和後事分上

家  
考  
如  
錄



玉機微義卷之四十五

吳陵劉純宗厚輯

後學

伍承先開成

葉樹德茂滋

校

黃疸門

發黃附

諸經敘黃疸脉證

內經曰溺黃赤安臥者黃疸

要畧曰寸口脉浮而緩浮則為風緩則為痺痺非中

風四肢苦煩脾色必黃瘀熱以行 尺脉浮為傷腎

跌陽脉緊為傷脾風寒相搏食穀即眩穀氣不消胃

中苦濁濁氣下流小便不通陰被其寒熱流膀胱身體盡黃名曰穀疸 額上黑微汗出手足中熱薄暮卽發膀胱急小便自利名曰女勞疸腹如水狀不治心中懊懣而熱不能食時欲吐名曰酒疸 脉經曰脉沉渴欲飲水小便不利者皆發黃凡黃候其寸口脉近掌無脉口鼻冷並不可治

### 論五疸

陳無擇云古方敘五種黃者其實一病立名異耳如黃汗者以胃爲脾表屬陽明陽明蓄熱喜自汗汗出

因入水中熱必鬱故汗黃也其候身體腫發熱不渴  
狀如風水汗出染衣色正黃如栢汁

黃疸者由暴熱用冷水洗浴熱留胃中所致其候身  
面眼悉黃如金色小便如煮栢汁

穀疸者夫由肌發熱大食傷胃氣衝鬱所致其候食  
則腹滿眩暈穀氣不消

云云見前

酒疸由大醉當風入水所致唯酒變證最多熱毒流  
於清氣道中則眼黃鼻澀

女勞疸由大熱交接竟入水水流濕入於脾因腎氣

虛甚以所勝尅入致腎氣上行故有額黑身黃之證  
其間兼渴與腹脹者並難治發於陰必嘔發於陽則  
振寒而微熱雖本於胃氣鬱發土色上行然發於脾  
則爲黃疸發於腎則爲黑疸若論所因外則風寒暑  
濕內則喜怒憂驚酒食房勞三因悉備世醫獨嚴於  
傷寒論中何也

按已上五疸與前要畧所具不同宜兼考之然陳  
氏治例未能以盡其變推其病體究治大抵黃汗  
黃疸穀疸者誠以元氣脾胃之氣爲主而治之形  
氣穀氣稍實者則可得而復矣酒疸則元氣胃氣  
殊已傷甚形氣孤危穀氣與藥雜進能有斷厚味  
而守藥得復生者則庶幾矣女勞疸則陰陽之氣



虛竭甚者爲難治陳云世醫獨嚴於傷寒而不  
及此此則亦非傷寒家法所可髣髴施治也

### 論傷寒陽證發黃

保命集云凡發黃有六有蓄血發黃邪熱傳於太陽  
之本小便先淋而黃其人暴狂內有血也爲太陽發  
黃本病也濕熱發黃太陰併陽明之本爲小便不利  
風濕熱發黃併少陽也寒濕發黃太陰併少陽也結  
胃發黃下之早附太陽也痞氣發黃附太陰也凡六  
者各隨脉證標本而治之大抵發黃從太陰陽明而  
論脾胃皆土也故見黃色當從其脾病色黃土氣化

濕非濕毒何能發黃也

論陰證發黃

韓祇和云病人三五日服下藥太過虛其脾胃亡其津液渴飲水漿脾土爲陰濕加之與邪熱相會發黃此陰黃也當以溫藥治之如兩手脈沉細遲肢體逆冷皮膚有粟起或嘔吐舌上有胎遍身發黃煩躁欲於泥水中臥小便赤少皆陰候也故陰黃多以熱湯溫之或湯漬布搭其胷腹或以湯盛瓢中坐於臍下熨之其病愈矣曾治趙顯宗病傷寒至六七日因服

下藥太過致發黃其脉沉細遲無力皮膚涼發躁欲  
於泥中臥喘嘔小便赤澀先投茵陳橘皮湯喘嘔止  
次服小茵陳湯半劑脉微出不欲於泥中臥次日又  
服茵陳附子湯半劑四肢發熱小便二三升當日中  
大汗而愈似此治愈者不一一錄凡傷寒病黃每遇  
太陽或太陰司天歲若下之太過往往變成陰黃蓋  
辰戌太陽寒水司天水來犯土丑未太陰濕土司天  
土氣不足卽脾胃虛弱亦水來侵犯多變此證也

按已上論傷寒陰陽二證發黃殆無餘蘊大抵本  
形氣虛實受證不同用藥有汗下溫之禁非若雜

病之比也我丹溪先生謂發黃如會麴相似濕熱有微甚及兼熱兼寒瘀血所因不同故治例不可分

### 論內傷發黃

畧例云內感傷寒勞役形體飲食失節中州變寒之病生黃非傷寒壞之而得只用建中理中大建中足矣不必用茵陳也

按此言內傷不足故宜補益惟其有餘新病必須消導之久病從穀疸施治可也

### 論發黃治例

難知云色如熏黃乃濕病也一身盡痛色如橘子



黃乃黃病也一身不痛 乾黃燥也小便自利四肢  
不沉重渴而引飲者梔子蘘皮湯 濕黃脾也小便  
不利四肢沉重似渴不欲飲者大茵陳湯 若大便  
自利而黃者茵陳梔子黃連三物湯往來寒熱一身  
盡黃者小茈胡加梔子湯

按一身盡痛而黃者濕勝在表也不痛者病在裏  
也乾燥者熱勝也故後證皆有表裏之分殊東垣  
云傷寒當汗不汗卽生黃邪在表者宜急汗之在  
表之裏宜滲利之在半表裏宜和解之在裏者宜  
急下之若已上諸證及要畧云男子黃小便自利  
當與虛勞小建中湯黃疸病小便色不變欲自利  
腹滿而喘不可除熱除熱必噦噦者小半夏湯皆  
不必拘於茵陳也

黃疸治法

升散之劑

金匱桂枝加黃芪湯治黃汗身重汗出已輒輕者久必身瞶胷中痛腰以下無汗腰腕弛痛如有物在皮中劇者不能食煩躁小便不利

桂枝

芍藥 各三錢

甘草

黃芪 各二錢

右水煎入薑棗服後仍飲熱粥助藥力

麻黃連翹赤小豆湯治身熱不去瘀熱在裏發黃小

便微利

麻黃

連翹

各一兩

赤小豆

一合

右咬咀作一服水煎

局方茵陳五苓散治傷寒或伏暑發黃小便不利煩

渴

本方五分加茵陳十分

韓氏茵陳茯苓湯治發黃脉沉細數四肢冷小便澹

煩躁而渴

茯苓

桂枝

猪苓

各一兩

滑石

一兩五錢

茵陳

一兩

右為末每服五錢水煎服如脉未出加當歸

按已上方並太陽例藥也

攻下之劑

金匱梔子大黃湯治酒疸心中懊懣或熱痛

梔子

十四枚

大黃

一兩

枳實

五枚

豉 一升

右水煎至二升分溫三服

大黃硝石湯治黃疸腹滿小便不利而赤自汗此表



和裏實

大黃

黃柏

硝石

各四兩

梔子

十五枚

右水煎服如前法

硝石礬石散治女勞疸身黃額黑日晡發熱惡寒膀胱急小腹滿足下熱因作黑疸其腹滿如水狀大便必黑時澹此女勞之病非水也

硝石

礬石

各燒等分

右二味為散以大麥粥汁和服方寸七日三服病

隨大小便去小便黃大便黑是其候也

半夏湯治酒疸身黃無熱言了了腹滿欲嘔心煩足

熱或癥瘕心中懊懣其脉沉弦或緊細

半夏

茯苓

白朮 各三兩

前胡

枳殼 炒

甘草

大戟

炒各二兩

黃芩

茵陳

當歸

各一兩

右咬咀每服四錢水煎入薑三片空心服

茵陳蒿湯治身熱鼻乾汗出陽上奔小便赤而不利

温熱發黃

茵陳蒿 六兩

梔子 十四箇

大黃 二兩

右三味每服一兩五錢水煎服

難知茵陳大黃湯治傷寒大熱發黃面目悉黃小便

赤

茵陳蒿

梔子

柴胡

栝皮

黃芩

升麻

大黃 炒各一兩

龍膽草 五錢

右為粗末每服五錢水煎服

三錢改義采白一黃疸

抵當湯治太陽傷寒頭痛身熱法當汗解反利小便  
熱瘀在內則身黃脉沉少腹硬小便自利其人如  
狂者下焦有血也宜此湯主之

水蛭

蝨蟲

各十箇

大黃

一兩

桃仁

十二箇

右剉作一服水煎食前服

按已上並陽明經藥也抵當湯厥陰藥輕者桃仁承氣湯主之

和解之劑

小柴胡加梔子湯



按此手太陰  
足少陽藥也

治熱和中之劑

梔子栝皮湯治身熱不去大便利而煩熱身黃者

梔子

栝皮

黃連

各等分

右咬咀每服一兩水煎服

寶鑑茯苓滲濕湯治黃疸寒熱嘔吐渴欲飲冷身體

面目俱黃小便不利不得安臥不思食

白茯苓

五分

澤瀉

猪苓

各三分

茵陳

六分

生黃芩

黃連

梔子

防己

白朮

蒼朮

陳皮

青皮

枳實

各二分

菴朮 咀作一服水煎空心服酒疸兼作九子服之

按此並太  
陽藥

温中之劑

金匱小半夏湯治黃疸小便色不異欲利腹滿而喘

半夏 一升

生薑 半斤

右咬咀每服三五錢水煎

韓氏茵陳橘皮湯治身黃脉沉細數熱而手足寒喘嘔煩躁不渴者

茵陳

橘皮

生薑

各一兩

白朮

二錢五分

半夏

茯苓

各五錢

右為末水四升煮取二升放溫分作四服

按此並足陽明太陰藥也

小茵陳湯治發黃脉沉細遲四肢及遍身冷

附子

一箇作八片

甘草

炙一兩

茵陳

二兩

右為粗末用水二升煮一升溫作三服

茵陳四逆湯治發黃脉沉細遲肢體逆冷腰已上自

汗

甘草

炙一兩

乾薑

炮一兩五錢

附子

一箇作八片

茵陳

二兩

右為粗末分作四貼水煎服

茵陳附子湯治服四逆湯身冷汗不止者

附子

二箇作八片

乾薑

炮二兩五錢

茵陳

一兩五錢

右為粗末水煎分作三服

按已上並少

陰經藥也



茵陳茺萸湯服茵陳附子湯證未退及脉伏者

吳茺萸 一兩

當歸 七錢五分

附子 二箇作八片

木通 一兩

乾薑 炮

茵陳 各一兩五錢

右為粗末分作二服水煎

按此足少陰厥陰藥也

吐下之劑

三因苦參散治濕熱內甚小便赤澀大便時秘食飲不妨服諸藥不除因為久黃

苦參

黃連

瓜蒂

黃栢

大黃

各二錢五分

葶藶

五錢

右為末每服一大錢飲調下當吐利隨時消息加

減與之

按此出太陽

陽明例藥

調理之劑

當歸白朮湯治酒疸發黃結飲癖在心胃間堅滿骨  
肉沉重逆害飲食小便赤黃此因內虛飲食生冷  
脾胃痰結所致其脉弦澹

白朮

茯苓

各三兩

當歸

黃芩

茵陳

各一兩

前胡

枳實

炒

甘草

炙

杏仁

炒各二兩

半夏

二兩五錢

右咬咀每四五錢入薑煎

小建中湯

養榮湯治五疸脚弱心忪口淡耳鳴微寒發熱氣急

小便白濁當作虛勞治之

方並見虛損門

消食之劑

三因紅丸子治穀疸發黃

方見霍亂門用生薑甘草湯下

寶鑑棗礬丸治食勞目黃身黃者

白礬

不拘多少沙鍋內燒通紅用米醋點之

右為末棗肉丸桐子大每服二三十丸食後用生

薑湯下

取黃水法

瓜蒂散

瓜蒂

二錢

母丁香

一錢

黍米

四十粒

赤小豆

五分

右為末每夜於鼻內搗之取下黃水內服涼劑



三因如神散治酒毒不散發黃久久浸漬流入清氣  
道中宜此內鼻中取黃水

苦瓠子 去皮

苦葫蘆子 去皮二七箇

黃黍米 三百粒

安息香 二皂子大

右爲末以一字搗入鼻中滴出黃水忌勿吹吹或  
過多卽以黍穰燒灰麝香末各少許吹鼻內立止

玉機微義卷之四十五終



玉機微義卷之四十六

吳陵劉純宗厚輯

後學

伍鶴齡蒼松

葉樹德茂滋

校

霍亂門

內經敘霍亂所因

經曰歲土不及風乃大行

云云

民病飧泄霍亂體重

腹痛筋骨繇復

按此言土運不及木乃太過木乘土而為病宜詳玩本文

論霍亂脉證

內經曰脉伏者霍亂

傷寒論曰病嘔吐而利名曰霍亂或發熱頭痛身疼惡寒吐利或自吐下又利止復更發熱也傷寒其脉微澁者本是霍亂今是傷寒却四五日至陰經上轉入陰必利本嘔下利者不可治也

保命集云傷寒霍亂轉筋身熱脉長陽明本病也脾胃受濕熱中焦氣滯或因寒飲或傷冷水或感濕氣冷熱不調水火相干陰陽相搏上下相離榮衛不能相維故轉筋攣痛經絡亂行暴熱吐瀉中焦胃氣所



主也

謹按傷寒傳變爲霍亂者殊少惟夏秋之間暄熱人腠理疎感風濕暍之氣而生此證多有陰陽虛實不同脉來浮洪者可治微而遲氣少不語者爲難治

論霍亂分三因

陳無擇曰霍亂者心腹卒痛嘔吐下利憎寒壯熱頭痛眩暈先心痛則先吐先腹痛則先利心腹俱痛吐利並作甚則轉筋入腹則斃霍亂惡證無越於斯蓋陰陽反戾清濁相干陽氣暴升陰氣頓墜陰陽痞隔上下奔迫治之唯宜溫煖更詳別三因以調之外因

傷風則惡風有汗傷寒則惡寒無汗冒濕則重著傷暑則熱煩內因九氣所致鬱聚痰涎痞隔不通遂致滿悶隨其勝復必作吐利或諸飽食膾炙恣殮乳酪冰脯寒漿旨酒胃既膈脹脾臟停凝必因鬱發遂成吐利當從不內外因也

按此具霍亂三因稍備但立方未能以盡其變學者自宜推格

### 論霍亂轉筋

陳氏曰轉筋者以陽明養宗筋屬胃與大腸今暴吐下津液頓亡外感四氣內積七情飲食甜膩攻閉諸

脉枯削於筋宗筋失養必致攣縮甚則卵縮舌卷爲

### 難治

按此言霍亂者多轉筋大抵冷熱不調陰陽相搏故轉筋攣痛甚者遍體轉筋此實陰陽之氣反戾風寒乘之筋失氣血所榮而爲攣縮急痛也

### 論乾霍亂

陳氏曰乾霍亂者忽然心腹脹滿絞刺疼痛蠱毒煩冤欲吐不吐欲利不利狀若神靈所附頃刻之間便致悶絕亦涉三因或臟虛或腸胃素厚故吐利不行

按此謂人腸胃素厚形氣實者故感四氣則吐利不行而乾揮霍撩亂也大抵熱勝痰鬱則悶亂濕

勝飲鬱則吐下形氣虛者禍不旋踵嚴氏謂胃中諸食結而不消陰陽二氣擁而反戾揮霍之間變成吐利然飲食致者亦有有餘不足如飲食自倍外感濕暍而乾霍亂者宜吐之或下之過傷者宜消導之痰者劫之寒者溫之熱者清之要在適事爲故也

### 論霍亂煩渴

陳氏曰煩渴者以陰陽反戾清濁相干水與穀併小

便秘澁既走津液腎必枯燥引水自救煩渴必矣

按吐利必渴况腎水竭者乎與水者唯宜溫煖熱甚者天水輩以甘緩火也

### 霍亂治例

保命集云霍亂陽明證宜和中平胃建中輩或四君



子湯脉浮自汗四君子加桂主之脉浮無汗四君子  
加麻黃主之 吐利轉筋脇下痛脉弦者木尅土也  
故痛甚平胃加木瓜五錢或建中加柴胡木瓜 吐  
利轉筋腹中痛體重脉沉而細者四君子加白芍良  
薑 吐利四肢拘急脉沉而遲此少陰霍亂四君子  
加薑附厚朴 吐利四肢厥冷脉微緩屬厥陰建中  
加歸附 吐利頭痛而身熱熱多欲飲水者五苓散  
寒多不用水者理中丸主之

元戎云太陰證霍亂者理中加橘紅名治中湯若吐

下心腹作痛手足逆冷理中去白朮加熟附名四順  
湯 若吐利後轉筋者理中加火煨石膏一兩  
霍亂治法

和中之劑

四君子湯

平胃散

建中湯

證治並見前方見虛損門

治寒之劑

機要漿水散治暴泄加水周身汗出盡冷脉弱不能  
語言甚者加吐

半夏 二錢

附子

乾生薑

炙甘草

桂 各五分

良薑 一分半

右為末作一服漿水煎服

薑附湯治霍亂轉筋手足厥冷多汗嘔逆

乾薑 一兩

附子 一箇  
生用

通脉四逆湯治霍亂多寒身冷脉絕

吳茱萸 二兩  
炒

附子 一兩  
炮

桂心

通草

細辛

白芍藥

甘草 炙各  
五錢

當歸 三錢

右咬咀每服四錢水酒各半加生薑煎

理中湯治過食生冷遂成霍亂吐下脹滿食不消心

腹痛

方見寒門

加橘皮名橘皮治中湯

嚴氏曰若臍上築動者腎氣動也去朮加桂吐多者去朮加生薑半夏利多者仍用朮心悸者加茯苓腹痛者加乾薑腹滿者去朮加附子厚朴

治濕之劑

三因茯苓澤瀉湯治霍亂吐利後煩渴飲水

五苓減猪苓加甘草



按此太陽  
剗藥也

治暑之劑

局方五苓散治霍亂頭痛吐下煩渴 方見濕門

嚴氏水浸丹治伏暑傷冷冷熱不調口乾煩渴

黃丹 一兩一分炒 巴豆 二十五箇去皮心

右同研勻用黃蠟作汁為丸如桐子大每五丸以  
水浸少頃別以新汲水吞下

按此  
劫劑

加味香薷飲治伏暑吐利不止煩悶多渴

本方加檳榔黃連

右咬咀每服五錢水酒各半煎服

冷香飲子治伏暑吐利煩躁

草果仁 三兩

附子

橘紅 各一兩

甘草 五錢

右咬咀每服一兩入薑水煎冷服

按已上並太陽例藥也有寒熱陰陽不同要在脉證相符而行也

溫經之劑

三因木瓜湯治霍亂吐下舉體轉筋入腹則悶絕

乾木瓜 一兩

吳茱萸 五錢

茴香

甘草 各二錢

右咬咀每服四五錢入薑三片蘇葉十片煎服

按此陽明例藥也大抵轉筋亦有  
所兼之證不同用者自宜推格

墜痰溫補之劑

三因胃氣丸治憂思過度脾肺氣閉聚結痰飲雷滯  
腸胃氣鬱於陰凝之於陽陰陽反戾吐利交作四  
肢厥冷頭目暈眩或復發熱

硫黃

不以多少入猪臟內縛定頭米泔酒童便  
各一碗煮乾一半取出洗去穢晒乾十兩

半夏

洗去滑  
五兩

人參

白茯苓

各一  
兩

石膏

四兩

右為末生薑汁浸炊餅為丸如梧子大每五十九  
至百丸空心食前米湯下

理氣溫中之劑

三因七氣湯治七氣發鬱致臟氣刑剋陰陽反戾變  
成吐利交作寒熱眩暈痞滿咽塞

半夏

五錢

厚朴

桂心

各三錢

茯苓

白芍藥

紫蘇



橘皮 各二錢

人參 一錢

右咬咀每服四五錢入薑棗煎

訶子散治心脾冷痛霍亂吐利如神

訶子

甘草 炙

厚朴 製

乾薑

草果

陳皮

良薑

茯苓

麥芽 炒

麴 各等分

右爲末每服二錢入鹽些少水煎服

按已上並足  
陽明經藥也

消食之劑

三因紅丸子治脾胃虛冷飲食失節宿食留飲聚癖  
腸胃或因食不調衝胃寒濕忽作霍亂吐利並作  
心腹絞痛

蓬朮

三稜

各二兩同用米醋煮一伏時

胡椒 一兩

青皮

三兩炒

阿魏

二錢五分

右為末化阿魏入陳米粉為丸如梧子大硃砂為衣每服百丸至二百丸不拘時生薑甘草湯下

雜方

嚴氏洗法治霍亂轉筋

蓼一把去兩頭水二升煮一升放溫熏洗

漬法治霍亂轉筋入腹

鹽多用煎湯於槽中暖漬之

三因吐法治乾霍亂蠱毒宿食不消積冷心腹煩滿  
鬼氣用極鹹鹽湯三升熱飲一升刺口令吐宿食  
便盡不吐更服吐訖復飲三吐乃止此法大勝諸  
治俗人以爲田舍淺近鄙而不用守死而已凡有  
此證卽先用之元戎云吐定用理中湯

灸法治霍亂已死腹中有暖氣者

鹽內臍中灸二十七壯

玉機微義卷之四十六終



玉機微義卷之四十七

吳陵劉純宗厚輯

後學

伍鶴齡蒼松

葉樹德茂滋

校

厥門

內經論厥證所因

論曰陽氣衰於下則爲寒厥陰氣衰於下則爲熱厥  
人質壯以秋冬奪於所用下氣上爭不能復精氣溢  
下邪氣因從之而上也氣因於中由陽氣衰不能滲  
營其經絡陽氣日損陰氣獨在故手足爲之寒厥也

陰氣衰於下則爲熱厥由醉飽入房內亡精氣中虛  
熱入腎氣日衰陽盛陰虛故手足爲之熱也陰氣甚  
於上則下虛下虛則腹脹滿腹滿則下氣重而邪氣  
逆逆則陽氣亂陽氣亂則令人暴不知人或至半日  
遠一日乃知人也名曰尸厥

按本論敘六經厥狀與六經厥逆甚詳宜玩本文  
大抵六經之厥陽證至爲胸仆爲癩疾爲妄見陰  
證至爲臄脹大小便不利或嘔或心痛之類皆素  
多痰氣因虛所乘之爲病也惟有輕重之殊爾如  
成無已註傷寒論云厥者手足冷也四逆者四肢  
不溫也邪在三陽則手足必熱傳到三陰則手足  
厥冷厥者逆也而有陰陽之殊熱極而成厥逆  
者陽極似陰也寒極而成厥逆者獨陰無陽也

論卒厥脉法

脉經曰脉至如喘名曰氣厥氣厥者不知與人言

金匱方論曰寸脉沉大而滑沉則爲實滑則爲氣實  
氣相搏血氣入臟唇口青身冷卽死如身和汗自出  
爲入腑卽愈此爲卒厥

按腑者爲傳道出內之所  
其氣通故入腑卽愈也

論諸厥證寒熱不同

陳無擇曰經論粗分六經殊不出寒熱二證所因欲  
求備治當歷明之寒厥則因多慾而奪其精故致陽

衰陰盛熱厥則因醉飽入房精虛則熱入故致陰虛  
陽盛攷其厥因多以不勝乘其所勝氣不得行遂致  
厥逆如腎移寒於脾則水乘於土水旣不行乃成寒  
厥如心移熱於腎則火乘於水水旣不行乃成熱厥  
六經皆然可次第論也尸厥亦然正由臟氣相刑或  
與外邪相忤則氣遏不行閉於經絡諸脉匿伏昏不  
知人唯當隨其臟氣而通之寒則熱熱則寒閉則通  
經中以數醉爲熱厥之因學者不可拘此蓋傷寒溫  
病皆有熱厥仲景所謂熱深厥深經意以酒能發百



脉熱故舉此以爲例耳寒厥者初得之四肢冷脉沉微而不數多惡寒引衣自覆下利清穀外證多惺惺熱厥者初得之必發熱頭疼脉雖沉伏按之必數其人或畏熱喜冷揚手掉足煩躁不眠大小便秘赤外證多昏冒傷寒亦然

謹按寒熱發厥固宜隨其陰陽勝負爲治如其厥逆者不外乎傷寒寒熱二證求陰陽厥逆之淺深餘寒熱厥證是沉寒積熱發厥至若陰陽竭閉尸厥卒厥又非已上寒熱厥證之比也陳論雖稍闡其微但治例惜未詳具爾

論寒熱厥證宜吐下

子和曰厥之爲病手足及膝下或寒或熱也熱厥爲  
手足熱寒厥爲手足寒也陽經起於足指之表陰經  
起於足心之下陽氣盛則足下熱陰氣盛則足下寒  
熱厥者寒在上也寒厥者熱在上也寒在上者以溫  
劑補肺金熱在上者以涼劑清心火則愈矣若尸厥  
痿厥氣厥酒厥可一涌而醒次服降火益水和血通  
氣之藥使粥食調養無不瘥者若其餘諸厥倣此行  
之

謹按厥證寒熱亦有陰陽虛實不同如形氣稍實  
者宜從子和之法吐下之虛甚者惟宜隨其所因

而調理之可也陳氏論臟氣相刑或與外邪相忤  
氣遏不行經絡閉脉伏昏不知人至爲尸厥今世  
俗多作風治鮮不致斃如傳引扁鵲治虢太子尸  
厥爲陽脉下墜陰脉上爭會氣閉而不通上有絕  
陽之絡下有破陰之紐破陰絕陽之色已發脉亂  
故形靜如死狀此與經言陰陽之氣盛衰爲厥之  
旨甚微後人安能得證治之彷彿乎而以陰陽證  
治之可驗者較之若傷寒手足厥逆昏不知人邪  
正已極温下之間稍或遲緩禍不旋踵或汗不解  
暴衄不知人而厥或雜病得吐衄血而厥不知人  
者或二日或三日必間間則爲愈矣蓋陰氣尚實  
必身不熱熱則不厥厥則爲血温身熱主死矣暴  
氣厥而形實者七情所致痰飲內鬱而厥必半日  
或一二時必間形虛而氣逆甚者多致不救此又  
可見氣血爲厥陰陽暴逆  
之甚也故不可斷作風治

## 厥證治法

通關竅之劑

蘇合香丸治卒暴厥不知人未辯風痰氣厥宜與此膏化濃湯灌之醒後却議脉證用藥

吐劑

瓜蒂散 方見痰飲門 口噤者或先用搐鼻藥

升發之劑

三因追魂湯治卒厥暴死及主客忤鬼擊飛尸氣絕

不覺口噤

即麻黃湯方見寒門

右咬咀水煎嚙之不下者分病人髮左右捉搦按



肩引之令服取効千金方加桂

按此治感中邪氣之劑

治寒之劑

四逆湯治寒厥表熱裏寒下利清穀食入則吐脉沉

伏手足冷 方見寒門

治熱之劑

白虎湯治熱厥腹滿身重難以轉側面垢譫語遺溺

手足厥冷自汗脉沉滑 方見暑門

按此治寒熱之劑並出寒暑例然內因氣血之劑詳見各門宜對證選用茲不詳錄



玉機微義卷之四十七終